

no. 14
DISCOVERS

AMPLE ET VERITABLE, DE LA DEFAITE
obtenüe aux Faux-bourgs de
Tours, sur les troupes de
Henry de Valois.

*Par Monseigneur le Duc de Mayenne, Pair,
& Lieutenant general de l'Estat Royal
& Couronne de France.*



A PARIS,

Chez Nicolas NIVELLE, ruë S. Iaques,
aux deux Colonnes.

Et Rolin THIERRY, ruë des Anglois,
pres la place Maubert.

Libraire & Imprimeur de la sainte Vnion.

M. D. LXXXIX.

AVEC PRIVILEGE.

DISCOURS

AMPHIBIT VERITAS
ET DE A DEBITA
opinionum et laudum de
tota, et de rebus de
tota de rebus.

De rebus et de rebus
et de rebus et de rebus
et de rebus et de rebus

De rebus et de rebus
et de rebus et de rebus
et de rebus et de rebus

De rebus et de rebus
et de rebus et de rebus
et de rebus et de rebus

De rebus et de rebus
et de rebus et de rebus
et de rebus et de rebus



DISCOVRS AMPLE

AVEC LES PARTICVLA-
ritez remarquees, & ce qui est ad-
uenu en la defaite obtenue à Tours,
le 8. May, Par M^oseigneur le Duc
de Mayenne, sur les troupes de
Henry de Valois.

DE toutes les actiōs hu-
maines, disoit vn an-
cien: Celles qui s'ex-
cutent par le fer, doi-
uent estre entreprises avec plus
de consideration, la moindre fau-
te apportant vn eternal repen-
tir, suiuy d'une honteuse memoire
au lieu de la gloire, seule recom-
pense de la vertu: Car qui a-il de si
stable que ce qui assure l'incer-

tain? Qui a-il de si beau que ce qui
meine & conduit au comble de
l'honneur? Or comme celuy qui re-
presente sur vn eschaffaut, ou les
cruautez de Creon, ou les gestes
magnanimes d'Hercule, n'est seu-
lement content que ses seruiteurs
approuuent ses deportemēs, mais
se iouist lors q̄ le peuple battāt ses
mains d'allegresse par vn bruit cō-
fus, mōtre son cōtētement. Aussi
les grands Capitaines qui pour le
fruit de tāt de traux & labeurs ne
se sōt proposez les festins, bāquets
& paillardises d'vn Heliogabale,
mais la gloire & honneur loyer de
la vertu, qui les rait en l'amour de
la parfaicte & immortelle essence,
se resjouissent, nō seulement quād
les leurs sont tesmoins & cognois-
sent leurs victorieuses actiōs, mais
le comble de leur contentement

5
gist, en ce que la renommée publie
par tout l'univers ce qu'ils ont ver-
tueusement executé. Je penserois
donc estre à blâmer, si taisant ce
dont ie suis tescmoin, ie recelois
ce que Monseigneur a en ce lieu
hazardeusement entrepris & bra-
uement acheué. Le mestier des
armes (disoit vn ancien) plus que
tout autre, gist en la fortune, mere
de l'inconstance, mais celuy qui sur
vn si mauuais pilloris, a sceu bastir
vn glorieux effect, & retrâcher en
ses actions celle puissance que de
tout temps elle auoit vsurpee, se
peut-il pas vanter d'estre paruenü
au comble de la perfection? Or
Monseigneur ressembloit le gentil
Veneur qui ne va rechercher les
reposees de la beste, mais bien plu-
tost la beste mesme, laissant tout
autre desseing: Lundy prist resolu-

tion de faire voir au Roy l'effect
des miseres dont il est le motif: Ne
voulant plus que cōme vn Neron
dans Rome, il s'esjouisse d'as Tours
du malheur de la France, dont il a
esté le premier bourreau & cruel
boutefeu. Il partist dōc de Saint
Pater le mesme iour, accompagné
de toute son armee, biē résoluē de
le seruir en ceste occasion. Le sieur
de Sagonne M^e de camp de la ca-
ualerie legere, ayāt rencontré Ra-
pin Preuost de camp, qui avec cin-
quante cheuaux faisoit escorte à
des fourrageurs, le print, & sa trou-
pe fust taillee en pieces: Ne faillit
à se presenter pres du faux-bourg,
& l'ayant inuesty, fist donner de-
dans avec ses harquebuziers à che-
ual, qui furent arrestez à deux mai-
sons fort bien fortifiees à l'entree
dudict faux-bourg, sur ces entre-

faites nostre infanterie arriua avec
môdit Seigneur, qui comme l'a-
me mouuante ce grand corps, cō-
mença à la disposer, & par ordre
acheminer l'executiō de cest heu-
reux desseing. Lon ordonne donc
les Regimés de la Chastaigneraye
qui donna le long de l'eau, & de
Ponsenac, qui donna sur le grand
chemin, & dōnant dās la premiere
barricade belle & biē fortifiee l'é-
porta, & fut arresté là de ces deux
fortes maisons, qui bornoient vn
chemin creux, dās lequel il se fail-
loit acheminer. L'entreprise sem-
bla tres-difficile, mesmes aux plus
resolus & experimentez. Premie-
remēt l'assiette renforce extreme-
ment le faux-bourg, il estoit forti-
fié de longue-main, y ayant caua-
liers de terre faits aux carrefours &
barricades presque hors d'escala-

de: Et d'auantage trois mil harque-
 buziers en quatre Regimens, tou-
 te la Noblesse qui estoit aupres
 du Roy, luy mesme qui leur re-
 doubloit le courage, les François
 ayans esté de tout temps tres-
 deuotieux enuers leurs Princes.
 Ces considerations toutesfois ne
 peurent empescher la belle resolu-
 tion que M^oseigneur auoit prise,
 lequel ayât fait amener le regimēt
 du Bourg, & deux pieces de ca-
 nō, fist donner parmy la fumee de
 deux vollees, dans lesdictes deux
 maisons, qui furent de cest effort
 emportees, & cinquante ou soixā-
 te soldats tuez & prisonniers. De là
 l'entree du faux-bourg estoit des-
 couuerte, qui estoit defenduë d'v-
 ne tranchee, & d'vne forte barrica-
 de flâquee d'vne vingtaine de mai-
 sons, farcies d'harquebuziers &
 mousque-

mousquetaires. Lon donne dedás
 vne vollee, & soudain Tremble-
 court avec son Regiment donna.
 L'esclair qui reluit d'Oriët en Oc-
 cident, n'esblouit point si tost la
 veüe des humains que l'effect en
 ensuiuit: car mille harquebuzades
 tirees d'un frôt de picques, qui he-
 rissoit tout cest abord, ne peurent
 empescher noz Capitaines & sol-
 dats, que tout soudain elle ne soit
 emportee. La mort passe & hideu-
 se se pourmeine dás le fauxbourg,
 & ne s'entéd rië que les cris & souf-
 pirs des mourás Royaux, qui quit-
 tans le lieu pour se retirer à leur
 seconde barricade, faisoient place
 à la furie des nostres qui se logent
 en ce qu'ils ont gaigné. Iarzay Me
 de camp du Roy, braue & vaillât,
 fuiuy de sept ou huit cens harque-
 buziers, s'aduance lors pour regai-

gner ce qui estoit perdu, mais il fut
 sibié receu, qu'il y demeura percé
 de deux harquebuzades, & trois
 de ses Capitaines avec luy, accom-
 pagnez de cinquante ou soixante
 des siens, le reste prend l'espouua-
 te, & se retire en effroy. Les nostres
 ralfreschis du Cheualier Picquart
 donnent de ce pas, & emportēt la
 seconde barricade, cōtre toute ap-
 arence humaine. Rubempré M^e
 de camp du Roy suiuy des siens, la
 veut regagner: les nostres sortent
 au deuāt, & ne refusans à venir aux
 mains, il est porté par terre par vn
 Capitaine des nostres, sans estre
 toutesfois blessé, les siens de leur
 sang rougissent & ionchent tou-
 te la ruë, & se retirās honteusemēt
 perdirent la troisieme barricade à
 la venuë du Baron de Tenicé. Re-
 stoit la quatriesme qui estoit forte

& gardoit vn carrefour qui my-
partit le faux-bourg & deféd l'en-
tree du pont. A la garde estoit tou-
te la Noblesse, Montcassin, & Ru-
bempre qui releué de ce coup s'at-
tendoit de se vanger: Lon donne
d'une canonnade dedans, au son
de laquelle les nostres dōnent: La
Noblesse du Roy sort, qui fut re-
poussée & chassée iusques sur le
pont à leur cinquiesme barricade,
où à cest effort demeura Grillon
blessé, Bonneual Lieutenāt du Ma-
reschal d'Aumont tué de coups de
main par l'un des nostres, trois des
quarante cinq, & Rubempre blef-
sé à la mort: Montcassin se signa là
fort parmy tant de caualiers, & en
demeura quatre vingts ou cent sur
la place, & le Capitaine Castel pre-
mier Capitaine de son Regiment
prisonnier. Lors estoit questiō de

gagner la dernière sur le pont, n'y ayant plus qu'elle, qui empeschast d'aller iusques au pont leuis : Lon veut faire aduancer deux canons pour la fausser estât tresforte, mais les nostres n'eurent ceste patience, & donnerent si viuement avec le Regiment du Marquis de Piennes qui les rafreschissoit, qu'ils l'emporterent avec grand meurtre des leurs. Ils se logerēt adōc iusques au pōt qui fut leué, & nostre sire, qui regretoit de loing la perte des siēs, cōtraint de gagner le haut, & s'enfermer dedans la ville: alors luy furent tirees vingt volees de canō, & tous les morts enterrez & recogneuz, toute nostre infanterie logee dās le faux-bourg. En fut trouué des leurs, trois maistres de cāp, sept Capitaines, le Conte de Mōt-bazon, Bonneual, les trois coupe-

jarets , & cinq cens trente-cinq
morts sur la place , tous leurs Mai-
stres de Cáp blessez, bien deux cés
soldats prisonniers, sans les bles-
sez qui sont en grand nóbre, deux
drapeaux apportez à Mõseigneur,
& le tout acheué en quatre heures.
Entre les trois bourreaux fut reco-
gnu S.Mallin qui le premier blessa
d'vn poignart feu Monseigneur le
Duc de Guyse: Par arrest du grand
Preuost de Mõseigneur, il eust le
poing & la teste coupee, & pendu
par les piedz, & pour seruir de tes-
moignage de sa trahison, vn escri-
teau attaché au dessus, contenant
que pour la punition exemplaire
de sa damnable execution, la teste
sera portee à Mont-faucon, mise
au lieu plus eminent, attendant
qu'elle soit accompagnee de celle
de Henry de Valois, autheur de si

lasche trahison. Le soir, ce que Mō-
 dit seigneur auoit proiecté, estant
 si heureusement executé, il resolut
 le lendemain s'en partir, & par cest
 effect, le Mardy au point du iour,
 toute l'infanterie battant au chāp,
 fachemina, resté trois cens pic-
 quiers, & trois cēs harquebuziers,
 qui demurerent sur le pont pour
 la retraicte, toute la caualerie fai-
 soit ferme ce pēdant : Au premier
 commandement Chastaigneraye
 demeure avec les siens pour la re-
 traicte, met le feu dans vne mai-
 son ioignant la porte de Tours
 sur le faux-bourg, où y en eust des
 leurs bruslez, puis tambours battās
 il se retira laissant la cauallerie lege-
 re derriere luy. La retraite se fist au
 plus bel ordre qui se peut imagi-
 ner, sans qu'vn seul des leurs osast
 seulement paroistre. Et pour mō-

strer la grâde frayeur qui les auoit
 faisis, encores qu'ils eussēt la riuie-
 re de Loire entre eux & nous, d'al-
 legresse ils firent vn grâd salué de
 harquebuzades vne heure apres
 que nous fusmes partis : Le Roy
 qui n'auoit iusques là apprehen-
 dé la iustice de Dieu en voulut en-
 trer en quelque cognoissance, vo-
 yāt les siēs porter penitēce du mal
 qu'ils n'ont pas cōmis, & les voyāt
 mourir par feu & eau, faisoit force
 vœuz inutiles, ressentant par es-
 preuue, que Dieu iuge les Rois,
 lors que leurs iniquitez sōt venuës
 à leur comble : nostre Prince lais-
 sant à tous vne grâde admiration
 de sa valeur & suffisance, & nos sol-
 dats de leur courage & vertu, esti-
 mez mesmes par leurs ennemis.

F I N.

Extraict du priuilege.

PA R priuilege donné & octroyé, par
Messieurs du Conseil general de la
saincte Vnion des Catholiques: à
Nicolas Niuelle, & Rolin Thierry,
Libraire & Imprimeur: Il leur est permis d'im-
primer: *La nouuelle Defaictte obtenüe sur les troupes
de Henry de Valois, Par Monseigneur le Duc, &c.* Et
tout ce qui sera ordonné & procedera d'iceluy.
Et sont faictes deffences à tous autres Libraires
& Imprimeurs, d'imprimer ou faire imprimer,
ny exposer en vente ledict Discours, ou
ce qui sera faict & arresté dorelnauant audict
Conseil, sur peine de confiscatiõ des exemplai-
res, & d'amende extraordinaire, ainsi que plus
à plein est contenu par ledict Priuilege. Donnè
à Paris, le 18. Aupil, 1589.

Signé,

SENAULT.